




7^{au} PLAN DE DINAMICA EDUCATIVA DERA VAL D'ARAN

CORS 2024/25



PRESENTACION

CONSELHÈRA DE CONEISHEMENT



Coma conselhèra de Coneishement pogui díder tamb satisfaccion qu'eth Centre de Recorsi Pedagogics tamb era collaboracion deth Conselh Generau d'Aran presente aguest cors 2024/2025 eth 7au Plan de Dinamica Educativa dera Val d'Aran.

I traparatz tota sòrta d'activitats entà qu'es docents e er alumnat

poguen conéisher er entorn a on viuem: eth patrimòni arquitectonic, culturau, naturau, sociau e era istòria d'Aran.

Era comunitat educativa aranesa ei activa e dinamica. Autant es docents coma er alumnat e es institucions son implicadi ena organizacion e participacion en actes, eveniments e accions que hèn des centres escolars aranesi lòcs, non sonque d'aprendissatge curricular senon tanben d'aprendissatge tara vida.

Es propòstes d'aguest Plan de Dinamica Educativa son ua airina plan importanta tà milhorar era qualitat der ensenhament e dera educacion.

Era Escòla Aranesa compde damb 40 ans d'istòria pendent es qu'a estat un des èishi vertebradors dera societat aranesa, en tot èster clau tara normalizacion dera nòsta lengua pròpria, er aranés, e tà consolidar un modèl educatiu pròpri que damb eth temps s'a demostrat coma un modèl d'exit.

Demori que tamb er esfòrç de toti e totes pogam hèr qu'es nòsti estudiants e estudiantes siguen persones comprometudes tamb era societat que les entore. Non i a dobte: eth coneishement e eth saber non sonque mos hè mèis fòrti intellectuament, mos hè mèis critics e mos hè mèis liures.

Tot eth mèn supòrt ara comunitat educativa d'Aran.

Angelina Cases Andreu

Conselhèra de Coneishement deth Conselh Generau d'Aran

ENSENHADOR

PRESENTACION

CONSELHÈRA DE CONEISEMENT

3

OBJECTIUS

5

PROPÒSTES

6

SERVICI EDUCATIU VAL D'ARAN E ALTA RIBAGORÇA

LINHES PRIORITÀRIES

7

JORNADES E CONCURSI

8

MALETES VIATJAIRAS

10

CONSELH GENERAU D'ARAN

SERVICI ARANÈS DE BENÈSTER E SALUT

14

DEPARTAMENT DE TERRITÒRI, PAISATGE E GESTION AMBIENTAU

15

HILAT DE MUSÈUS DERA VAL D'ARAN

17

AIRAU DE POLITICA LINGÜISTICA

18

ARCHIU GENERAU D'ARAN

18

ATENEU COOPERATIU DE L'APA

21

CENTRE DE DESVOLOPAMENT EN MONTANHA HÈPIC

25

BIBLIOTÈQUES

BIBLIOTÈCA GENERAU DE VIELHA

26

MOSSOS D'ESQUADRA

27

ASSOCIACIONS

ARAN FÒTO CLUB

28

ENTERPRESES

ARANTEC

30

OBJECTIUS

Eth 7au Plan de Dinamica Educativa dera Val d'Aran ei frut d'un trabalh hèt entre eth Conselh Generau d'Aran e eth Centre de Recorsi Pedagogics dera Val d'Aran deth Departament d'Educacion dera Generalitat de Catalunya.

Aguest Plan ei adreçat a toti es centres educatius deth territòri: Escòles Mairaus, Escòles d'Infantila e Primària e Escòles de Segondària, damb era finalitat d'aufrir e hèr a conéisher as centres, es activitats que s'amien a tèrme enes diferents entitats o institucions deth territòri, e aportar recorsi e iniciatives pedagogiques ara nòsta comunitat educativa.

Es propòstes d'aguest setau Plan son estructurades pes diferents entitats collaboradores que se meten a disposicion des centres tà fomentar era participacion e arténher es objectius que seguissen:

- Promòir er usatge der aranés.
- Desenvolopar iniciatives educatives que supausen un milhor coneishement e apropament ara nòsta realitat istorica, culturau, naturau e sociau deth parçan.
- Facilitar as mèstres e professors un sòrta d'activitats que se poguen inclúdir ena programacion deth cors e que siguen motivadores entàs alumnes.
- Potenciar era implicacion des Institucions e Entitats locals e deth territòri, atau coma de tota era comunautat educativa, enes activitats informatives e culturaus que s'organizen des des centres e des deth servici educatiu.
- Organizar activitats que faciliten era relacion d'escambi entre eth professorat e er alumnat des diferents centres educatius deth parçan.

PROPÒSTES

SERVICI EDUCATIU VAL D'ARAN E
ALTA RIBAGORÇA

CONSELH GENERAU D'ARAN

BIBLIOTÈQUES

MOSSOS D'ESQUADRA

ASSOCIACIONS

ENTERPRESES

LINHAS PRIORITÀRIES DES SERVICIS EDUCATIUS ENTATH CORS 2024-2025

Entath present cors eth Departament d'Educacion establís coma actuacions prioritàries: eth refortilhament d'un **modèl inclusiu** dera educacion, era **convivença de qualitat** entre tota era comunitat educativa e **eth benèster emocional** des escolans e escolanes. Un aute objectiu prioritari ei era milhora des resultats educatius ena **competència matematica** e ena **comunicacion lingüistica** (orau, escrita e lectora).

Eth modèl inclusiu s'orienta a acompanhar de forma efectiva eth procès d'aprendissatge des escolans damb era finalitat d'aquerir es competències de besonh entà arténher er exit escolar e previer er abandonament. Preten tanben ua bona orientacion entà dar responsa as interèssi e besonhs des alumnes, especiaument enes cambis d'etapa. Er inici dera escolarizacion e era acuelhuda de qualitat ar alumnat nauvengut son, en aguest sentit, moments d'especial importància. Cau destacar tanben er interès qu'a potenciar activitats educatives de qualitat dehòra der orari lectiu, especiaument enes entorns mès vulnerables.

Er aprendissatge e er us dera lengua aranesa e catalana a d'èster er èish centrau enes centres educatius entà assegurar er exit escolar e era coesion social der alumnat. Ei prioritari actualizar e refortilhar es metodologies d'immersion lingüistica e per un aute costat, cau garantir er us abituau en toti es encastres educatius, ath delà dera activitat lectiva. Er usatge dera lengua aranesa e catalana a d'auer contunha enes disparièrs espacis educatius e de convivença deth centre.

JORNADES E CONCURS

XII JÒCS FLORAUS ESCOLARS

PRIMÀRIA E ESO



Eth Departament d'Educacion convòque aquest concurs literari damb er objectiu de potenciar e estimular era expression e era produccion escrita dera mainadèra e joenessa e fomentar e difóner ua tradicion culturau pròpria deth país. Tanben i a ua categoria de condes

audiovisuaus. S'establisson diuèrses categories segontes eth nivèu educatiu e s'estructure en fases eliminatòries.

DATA: primavera de 2025.

XXI CONCURS DE LECTURA EN VOTZ NAUTA

PRIMÀRIA E ESO



Era lectura e era escritura an d'èster objectiu d'atencion pendent tota era etapa dera educacion obligatòria. Organizat pera Fundació Enciclopèdia Catalana e eth Departament d'Educacion, es objectius

d'aquest concurs son: saber liéger en votz nauta, saber escotar e potenciar eth gost pera lectura.

Cada centre pòt participar en concurs damb un escolan en cada categoria e damb un grop de tres escolans ena categoria de "Tropa de Corsaris".

DATA: primavera de 2025.

XVIII JORNADA INESJOVE

BACHELIERAT



Jornada a on er alumnat de 2au de Bachelierat des Instituts deth Pirenèu e Aran presenten es sòns trabalhs de recèrca ar alumnat de 1èr de Bachelierat. Tanben i a ua conferéncia a cargue d'ua persona professionau en recèrca e era presentacion d'ua publicacion damb es trabalhs presentadi ena edicion anteriora.

DATA: primavera de 2025.

SETMANA DERA SCIÉNCIA

PRIMÀRIA E ESO

SC24
Viu la ciència!

Laguens dera 29au Setmana dera Sciéncia, eth hiu conductor dera edicion d'enguan virarà ath torn dera etica ena sciéncia e era tecnologia. Se realizaràn activitats a on era experimentacion scientifica e era tecnologia arribarà as estudiants prepausant rèptes e d'autes activitats entar alumnat.

DATA: deth 8 enquiath 17 de noveme de 2024

JORNADA #100TÍFIQUES

6AU PRIMÀRIA
1ÈR ESO



Damb era celebracion deth dia des hemnes e es mainades ena sciéncia, se desenvoluparà era 7au Jornada #100tífiques. Consistís en charrades damb científiques de referéncia entà prebotjar era sciéncia entar alumnat e especiaument enes mainades.

DATA: hereuèr de 2025.

ENGLISH DAY

PRIMÀRIA E ESO



Eth CRP organitzarà amassa damb es mèstres e professors participants en seminari de lengües estrangères ua jornada adreçada as escolars de primària a on era lengua anglesa serà era protagonista. Es escolans e escolanes dera ESO participaràn activament ena organizacion d'aguesta jornada.

DATA: junh de 2025.

JOURNÉE DE LA FRANCOPHONIE

PRIMÀRIA E ESO



Eth CRP organitzarà amassa damb es mèstres e professors participants en seminari de lengües estrangères ua jornada adreçada as escolars de primària a on era lengua francesa serà era protagonista. Es escolans e escolanes dera ESO participaràn activament ena organizacion d'aguesta jornada.

DATA: junh de 2025.

FIRA LA CARRULLA

INFANTILA



FIRA DE L'ALT PIRINEU I ARAN
DE LA PETITA INFÀNCIA

Ei un eveniment deth territòri APA sense anim de lucre que vò visibilizar e reconéisher era petita infantesa de 0- 6 ans en tot aufrir desparières activitats de léser, formatives e informatives a famílies, mainadèra, docents e persones interessades en sector dera educacion en aguesta estapa.

Era sedença der eveniment ei rotativa. I a tres modalitats de participacion: talhèrs, charrades e presentacion de practiques educatiues de referéncia.

DATA: junh de 2025

MALETES VIATJAIRES

COEDUCACION

TOTI ES NIVÈUS



Des deth CRP s'a premanit materiau tà trabalhar era coeducacion, en tot aufrir 6 maletes damb materiaus de lectura e jòcs entà totes es edats, que cerquen ua reflexion sus es ròls de genre e es actituds coeducatives. Se trabalhen diuèrses dimensions dera perspectiva de genre (sentiments, emocions, descorbiments, pensaments, sensacions, condes e condaïres).

EXPRESSART

INFANTILA E
PRIMÀRIA



Er objectiu ei aufrir recorsi tà trabalhar ena aula er art contemporanèu e qu'era mainadèra prengue consciéncia dera sua capacitat d'expressar.

Ua sòrta de prepauses didactiques damb objèctes tridimensionaus, imatges e tèxtes que cerquen era guardada creativa der art, atau com eth foment dera expressivitat. Entitat: MACBA. En prèst en CRP

MALETA FALHAIRE

PRIMÀRIA E ESO



Era Maleta Fallaire (falhes, haros, halhes e brandons) ei un recors en aranés dera *Càtedra Educació i Patrimoni Immaterial dels Pirineus* dera Universitat de Lleida.

Aguesta maleta se complemente damb eth musèu virtuuu PROMETHEUS.

KIT XTECRADIO

TOTI ES NIVÈUS



Eth Departament d'Educacion a creat aguesta maleta tà hèr un trabalh globau deth son ena aula.

Aguest equipament ei compausat per ua maleta damb arròdes entà facilitar eth transpòrt laguens deth centre.

Ath delà i a dus altavotz autoamplificadi entà poder sonorizar ua sala d'actes o eth pati dera escòla.

MALETA FONOLÒGICA

INFANTIL E
PRIMÀRIA



Er objectiu d'aguesta maleta ei aufrir recorsi tà trabalhar ena Educacion infantil e era consciència fonologica.

Compdam damb dues maletes, a on se pòden trapar 14 activitats o jòcs entà qu'era mainadèra practique es sues abilitats fonologiques e aprèner naues estratègies.

BEEBOT

INFANTIL E
PRIMÀRIA



Compdam damb dues maletes que dispausen de tot eth materiau de besonh tà trabalhar damb es BeeBoots, ues abelhes fòrça divertides qu'ajudaràn ath nòste escolanat a entèner es principis dera programacion e eth pensament computacionau. Compdam tanben damb moquetes de desparières tematiques entà trabalhar damb aguesti robòts.

ROBÒT EDISSON

PRIMÀRIA E ESO



En aguesta maleta poiratz trapar robòts que son programables damb diuèrsi lenguatges: iconografics o ben damb programari scratch.

Permeten facilitar era comprenença deth lengatge computacionau e es estructures logiques.

Edisson ei un robòt entà aprèner a programar. Detècte obstacles, se botge damb eth son d'ua trucada de mans, seguís es linhas, detècte lum e ei capable de connectar-se damb d'auti robòts.

KIT LEGO WEDO

PRIMÀRIA E ESO



En aquesta maleta poiratz trapar amassa damb robòts lego, eth lèngatge de programacion de besonh entà treballar eth pensament computacionau damb er escolanat.

KIT MICRO:BIT

SEGONDÀRIA



En aquesta maleta auetz nau unitats de microbits entà treballar era programacion de manèra senzilla. Micro:bit ei un petit dispositiu informatic programable, damb er objectiu de facilitar e hèr divertit er aprendissatge dera programacion e eth contròl de dispositius físics, com sensors e actuadors.

MALETA DETH CALCUL

INFANTILA E INICIAU



Un materiau premanit en CRP entà refortilhar competenciaument eth calcul des dera educacion infantila, en tot facilitar estratègies de resolucio mentau o ben escrita. En aquesta maleta poiratz trapar materiau manipulatiu atau coma un caierà damb prepauses metodologiques.

MALETA DE MATEMATIQUES MANIPULATIUES

INFANTILA E INICIAU



En aquesta maleta poiratz trapar materiaus complementaris manipulatius entà treballar era numeracion, eth calcul, es mesures, era geometria e era logica ena educacion infantila e cicle iniciu.

MALETA LABORATÒRI DE MATEMATIQUES

PRIMÀRIA



Materiau entà experimentar damb es matematiques manipulatives e comprèner totes es dimensions a compdar deth trebalh damb es desparièrs elements: pentòminos, mètre cubic, Pattern Blocks, cubes encaishables, volums encaishables, poligons, geoplans, diagrama de fraccions de Freudenthal, etc.

MALETA MAQUINES SIMPLES

INFANTIL E
PRIMÀRIA



Maleta damb ua dotzea de maquinas simples entà experimentar damb es fòrces. Cada maquina va associada a ua ficha damb era sua descripcion e prepauses d'activitat. Tanben podetz trapar exemples entà includir eth trebalh des fòrces e es maquinas en prepauses globalizadas entà toti es nivèus.

MALETA SANDARAN

TOTI ES NIVÈUS



En CRP auetz ara vòsta disposicion era maleta SANDARAN entà trebalhar en toti es cicles era figura de Josep Sandaran. Josep Sandaran Bacaria (Canejan, 1875 – Barcelona, 1942) deishèc era Val d'Aran de petit. Maugrat èster ben luenh deth sòn país, en Barcelona, Sandaran jamès desbrembèc era sua lengua e era sua Val d'Aran. Ath contrati, dediquèc ores e esfòrc ar aranés: remassèc lexic, arrepervèrs, hec ua descripcion dera gramatica aranesa, escriuec poesies, se relacionèc damb intellectuau gascons... Sandaran mos deishèc un legat important a nivèu lingüistic, literari e istoric.

MALETA DETH UART TÀ CASA

PRIMÀRIA E ESO



Aguesta maleta ei un amàs de materiaus didactics adreçadi ar alumnat e professorat de primària e segondària, a on podetz trapar prepauses d'activitats entà integrar en projèctes escolars destinadi a desvolopar competències orientades a hèr un usatge responsable des recorsi naturaus e auer suenh deth mèdi ambient.



Es Servicis Assistenciaus Integrats d'Aran an elaborat un catalòg d'accions socioeducatives e de salut entara mainadèra e Joenessa tath cors escolar 2024-25.

Eth catalòg arremasse diferents prepauses d'activitats que se pòden desvolopar enes diuèrsi centres educatius dera Val d'Aran, en tot èster eth solet espaci de consulta dera aufèrta sòcioeducativa e de salut entà poder sollicitar es activitats.

Es activitats que s'aufrissen an era voluntat de contribuir ara promocion deth benèster e era salut dera mainadèra e adolescents a qui van adreçades e complementen d'auti encastres educatius des que dispausen es sues familhes ena Val d'Aran.

Totun, es desparièrs èishi de trabalh prepausadi partissen des politiquas socials e de salut que desvolope eth Conselh Generau d'Aran a trauèrs des Servicis Assistenciaus Integrats d'Aran.

Es camps prepausadi son, entre d'auti:

- Benèster emocionau
- Desestigmatizacion dera salut mentau
- Resolucion de conflictes e comunicacion
- Diuersitat sexuau e sexualitat
- Egaltat
- Violéncias masclistes e Lgtbifobiques
- Consum de substàncies e addiccions
- Economia social e solidària
- Promocion e accés ara educacion postobligatòria.
- Informacion de beques e ajudes.
- Salut bucodentau
- Activitat fisica
- Nutricion
- Persones granes

Podetz veir eth Catalòg escanejant eth còdi QR:



Es activitats entàs familhes s'aufrissen en Programa *En Família* que s'amie a tèrme en *Espaci d'atencion infantil, juvenila e familhes* damb ua planificacion trimestrau d'activitats, charrades, talhèrs e consultes. Podetz veir era programacion aciu:



DEPARTAMENT DE TERRITÒRI, PAISATGE E GESTION AMBIENTAU

ETH BÒSC E ERA HUSTA

PRIMÀRIA

Se tracten ahèrs coma:

- Eth territòri dera Val d'Aran des deth punt de vista dera vegetacion e en particular des sues montanhes.
- Es arbes forestaus, es sues malauties, com les mesuram, etc.
- Eth bòsc, qué ei, es beneficis que mos apòrten, tipus de bòsc, es trabalhs que se hèn en bòsc, etc.
- Era husta, tà qué servís? Deth bòsc enquia casa nòsta.

DATA: ath long deth cors.

CONTACTE: ✉ g.arjo@aran.org ☎ 973 64 18 01



AGENTS DE MÈI AMBIENT

TOTI ES NIVÈUS

Es agents ruraus aufrissen acompanyament as escolans enes gessudes programades des centres e enes activitats que se pòrten a tèrme ena natura que mos entornege e dant responsa ad aqueres qüestions o dobtes que pòden plantejar es alumnes pendent era gessuda.

CONTACTE: Sr. Francisco Bruna ✉ f.bruna@aran.org ✉ g.vilo@aran.org

☎ 973 64 18 01

SEGUIMENT DES AURONGLES DERA VAL D'ARAN

PRIMÀRIA E ESO

Coma cada cors, s'aufrís era possibilitat de desvolopar eth seguiment des aurongles des pòbles a on i a escòla. Aguesta activitat se realize damb eth supòrt deth materiau de seguiment des aurongles der Institut Català d'Ornitologia (ICO) e damb eth supòrt de VerdeBlu (Sara Arjó).

Era activitat compde damb un explic ena classa e dempús se continue damb era activitat en exterior, a on se cerquen e censen es nins d'aurongles enes carrèrs des pòbles.

CONTACTE: ✉ g.arjo@aran.org ☎ 973 64 18 01

ACCIONS DE SAUVAMENT DE PEISHI (PESCA ELECTRICA)

PRIMÀRIA E ESO

Participacion en diuèrses accions de sauvament de peishi que pòrten a tèrme es agents ruraus deth Conselh Generau d'Aran enes arrius dera Val d'Aran. Es escolans poderàn conéisher eth motiu d'aguestes actuacions e veir d'apròp es animaús qu'abiten enes nòsti arrius.

DATA: pendent tot eth cors.

CONTACTE: ✉ g.vilo@aran.org ☎ 973 64 18 01

INTRODUCCION ATH MON DERA APICULTURA

Activitat teorica e practica, damb era finalitat de conéisher eth mon dera apicultura. Se hè ua introduccion teorica sus es abelhes e dempús se hèr ua part mès practica sus eth materiau que s'emplegue e eth procès d'extraccion.

DATA: pendent tot eth cors.

CONTACTE: ✉ g.vilo@aran.org ☎ 973 64 18 01

TAHÈRS: PRODUCTORS MARCA DE GARANTIA

TOTI ES NIVÈUS



Quauqui productors d'artesanía alimentària deth país e que formen part dera Marca de Garantia dera Val d'Aran, dauriràn es pòrtes des sòns obradors entà mostrar eth procès d'elaboracion des sòns productes artesanaus en lòc d'origina.

Er objectiu ei hèr a conéisher as estudiants non sonque es productes ja elaboradi senon tanben eth procès d'elaboracion e méter en valor aguesti productes alimentaris, manufacturadi e que mòstren ath delà era nòsta identitat: productes tradicionaus e aliments artesanaus qu'aprofiten era qualitat des recorsi naturaús que mos aufrís era Val d'Aran.

CONTACTE:

- **REFU BIRRERIA (Bossòst)** - Laura e David Serrano

✉ fabrica@refubirreria.com ☎ 973 64 81 45, de 8:30-14:00 ores

- **HORMATGERIA TARRAU (Bagergue)** - Tònho Tarrau

✉ info@quesosdelvalledearan.com ☎ 604 11 61 76

- **CAVIAR NACARII (Les)** - Lorea Estala

✉ vielha@caviarnacarii.com ☎ 637 51 66 19.

ER OS RÒI EN PIRENÈU

TOTI ES NIVÈUS

Activitat teorica qu'a coma finalitat hèr a conéisher aspèctes der os ròi coma era sua biologia e abitat, qué minge e abituds, era activitat que hè en cada epòca der an, quina ei era sua situacion en Pirenèu, accions que se realizen entara sua gestion, etc.

CONTACTE: ✉ g.vilo@aran.org ☎ 973 64 18 01

ETH TORN DES ARRATS DROMILHÈRS GRISI

PRIMÀRIA

Conéisher d'apròp es arrats dromilhèrs grisi aranesi dera man de Lucia Gonzalez. Era activitat consistís en ua part teorica "Qué ne sabem des arrats dromilhèrs grisi?", e ua part practica de revision e contaròtle des estacions de cria deth *Projecte Liró*.

DATA: octobre.

CONTACTE: ✉ l.gonzalez@aran.org ✉ g.vilo@aran.org ☎ 973 64 18 01

HILAT DE MUSÈUS DERA VAL D'ARAN

MUSÈUS DERA VAL D'ARAN

TOTI ES NIVÈUS

Es Musèus dera Val d'Aran adaptan es contenguts e formats des activitats en foncion deth curriculum escolar. Era sua aufèrta se pòt adaptar a toti es còrs des dera Educacion Infantila enqua Bachelierat, atau coma cicles formatius. Es activitats se pòden hèr autan enes equipaments coma enes aules. Es formats des prepauses didactiques includissen visites guidades, tematizades, talhèrs dinamizats o dinamiques de simulacion de trabalh en musèu.



Es musèus tà visitar qu'intègren aguest hilat son: eth Musèu dera Val d'Aran e era Fabrica dera Lan en Vielha, er Ecomuseu cò de Joanchiquet en Vilamòs, era Mina Victòria d'Arres, es Mòles de Salardú e Unha e eth Musèu dera Nhèu en Unha. Ath delà, se pòden hèr visites enes glèises medievas e d'auti monuments (castèths), atau coma rotes culturaus a pè pes pòbles o camins.

CONTACTE: ✉ dir.museu@aran.org ☎ 973 64 18 15

AIRAU DE POLITICA LINGÜISTICA

CORSI D'ARANÉS

PROFESSORAT

Corsi d'aranés de toti es nivèus: A1, A2, B1, B2 e C1 deth 2024-25. Entà hèr eth nivèu C1 ei indispensable auer eth nivèu B2 aprovat.

Era matricula se daurirà en seteme, començarà eth cors en octobre e acabarà en junh. A determinar era modalitat des corsi: presenciau o virtuuu.

CONTACTE: ✉ lengua@aran.org ☎ 973 64 18 01

CONCORSI E PRÈMIS

TOTI ES NIVÈUS



Ena tardor tanben se convocaràn es concorsi: **34au prèmi Mn. Condò Sambeat**, eth **4au Concors de Cuertmetratges**, eth **2au Concors de Tiktòc** e eth **25au Concors Aran de Literatura** (tàs adults) adreçat a tota era ciutadania.

CONTACTE: ✉ lengua@aran.org ☎ 973 64 18 01

TALHÈRS ESCRITURA CREATIVA

PRIMÀRIA E ESO

Entà fomentar era creativitat literària des escolans, eth Departament de Cultura e Lengua deth Conselh Generau d'Aran aufrís ath long deth cors talhèrs d'escritura creativa, en forma de narrativa e poesia, a peticion de cada centre educatiu.

CONTACTE: ✉ lengua@aran.org ☎ 973 64 18 01

*Auetz mes informacion en: <https://aranes.conselharan.org/>



ARCHIU GENERAU D'ARAN

ES CAPLETRES DER ARCHIU

INFANTILA,
PRIMÀRIA
E FAMILHES



En tot aprofitar eth libret de produccion pròpria der Archiu Generau d'Aran e titolat "Es Capletres der Archiu" prepausam un talhèr.

Aguest se pòt hèr ena madeisha classa dera mainadèra. En talhèr, eth personau der archiu, explicarà era origina des capletres, hètes a man o impresses, damb exemples de documents

e libres que se consèrven en Archiu. En talhèr es alumnes pòiran trabalhar es capletres encolorint-les dempús dera explicacion. Des dera aparicion dera impremària, a viatges, es tipografs guarnissen es libres damb capletres, en tot arribar a hèr vertadèras òbres d'art. Ei un trabalh minuciós, s'observam es ilustracions des imatges qu'acompanhen era letra. A diferéncia des capletres manuscrites, iluminades e plies de colors, es impresses tostemps son en blanc e nere e pògui viatges se'n trape bèra ua en color. Ei per tot açò que, en aguest talhèr, prepausam conéisher eth mon des capletres e deishar-vos portar pera imaginacion a trauès des imatges de flors, animaus, bèth un d'eri mitologic, e personatges que se diboishèren hè mèis de 300 ans.

DATA: a concertar dates a inici deth cors.

CONTACTE: Maria Pau Gómez ✉ acvallaran.cultura@gencat.cat ☎ 973 64 25 69

VISITA ARA CASA DETH SENHOR

PRIMÀRIA, ESO E
POSTOBLIGATÒRS



Er Archiu Generau d'Aran prepausa ua visita dera Casa deth Senhor.

Era Casa deth Senhor ei un edifici bastit per Francisco Ademà Subirà en 1820. Pendent era visita ara casa, sedença intitucionau deth Conselh Generau d'Aran e der Archiu Generau d'Aran, coneisheram es familhes Subirà e Ademà vinculades ara casa; era arquitectura e mobiliari d'un edifici d'estil neoclassic en un petit pòble de montanha

e eth document d'Era Querimònia, privilègi autreat per Jaime II as aranesi en 1313 e custodiat en Archiu Generau d'Aran.

DATA: a concertar dates a inicis deth cors.

CONTACTE: Maria Pau Gómez ✉ acvallaran.cultura@gencat.cat ☎ 973 64 25 69

ETH PETIT MUSÈU DERA ESCÒLA D'ARRÒS

INFANTILA,
PRIMÀRIA
E FAMILHES



Er Archiu Generau d'Aran prepausa ua visita tath Petit Musèu dera Escòla d'Arròs e Vila.

Eth Petit Musèu dera Escòla vò hèr a conéisher com ère ua escòla rura en un pòble dera Val d'Aran. Eth mobiliari, coma es pupitres, es mapes, eth taulèu e eth materiau escolar que se mòstren se recuperèren dera antica escòla deth pòble de Vila abans deth sòn esbauçament. En antic municipi d'Arròs e Vila i auie

dus estudis. Eth prumèr ère plaçat ena Casa deth Senhor d'Arròs e foncionèc enquiath

cors escolar 1973-1974 e eth segon en ua bastissa deth pòble de Vila e barrèc eth cors 1966-1967.

Era activitat se pòt completar damb ua petita visita ara Casa deth Senhor, sedença institucionau deth Conselh Generau d'Aran e der Archiu Generau d'Aran.

DATA: a concertar dates a inicis deth cors.

CONTACTE: Maria Pau Gómez ✉ acvallaran.cultura@gencat.cat ☎ 973 64 25 69

ARAN ESTEREOSCOPICA

PRIMÀRIA E ESO



Er Archiu aurà tot er an 2024 e 2025 ua exposicion titolada "Aran Estereoscopica", que pòt èster interessanta entara mainadèra pr'amor que poirà interactuar damb es aparelhs fotografics, imatges e víuer ua experiéncia 3D damb fotografies estereoscopiques dera Val d'Aran deth sègle XIX e XX.

DATA: a concertar dates a inicis deth cors.

CONTACTE: Maria Pau Gómez ✉ acvallaran.cultura@gencat.cat ☎ 973 64 25 69

EXPOSICION LIBELLULES DERA VAL D'ARAN

TOTI ES NIVÈUS



Er Archiu Generau d'Aran, amassa damb eth CRP Val d'Aran, aufrís era possibilitat de hèr ua visita guidada dera exposicion de Libellules dera Val d'Aran entà conéisher es desparières espècies, es espècies endemiques d'Aran atau coma aspèctes dera sua morfologia, cicle vitau, abitat, alimentacion...

DATA: a compdar de noveme.

LÒC: CRP Val d'Aran

CONTACTE: ✉ c5990109@xtec.cat ☎ 973 64 23 77

FINANCES ETIQUES E SOLIDÀRIES

**ESO E
POSTOBLIGATÒRIS**

Conéisher era banca etica e es diferéncies damb era banca tradicionau entà reflexionar sus eth modèl economic e sociau qu'afavorim damb es nòsti sòs e era promocion d'un pensament critic e constructiu sus er usatge des sòs.

DATA: pendent tot eth cors, cau concertar.

CONTACTE:  dengo@pallarsjussa.cat  promeco@aran.org

 973 65 01 87  973 64 18 01

ENERGIA SOSTENIBLE E TRANSICION ENERGETICA

**ESO E
POSTOBLIGATÒRIS**

- Se treballharàn es principis basics dera Energia Sostenible e dera Transicion Energetica. Conéisher es principaus hònts Energetiques Sostenibles.
- Era energia democratica.

DATA: pendent tot eth cors, cau concertar.

CONTACTE:  dengo@pallarsjussa.cat  promeco@aran.org

 973 65 01 87  973 64 18 01

ECONOMIA SOCIAU E SOLIDÀRIA

**ESO E
POSTOBLIGATÒRIS**

- Entà conéisher es principis e valors dera Economia Sociau e Solidària.
- Saber quines son es caracteristiques diferenciaus des empreses sociaus.
- Conéisher d'auti modèls empresariaus respectuosi damb es persones e eth mèdi ambient.

DATA: pendent tot eth cors, cau concertar.

CONTACTE:  dengo@pallarsjussa.cat  promeco@aran.org

 973 65 01 87  973 64 18 01

ERA COOPERATIVA

PRIMÀRIA, ESO E
POSTOBLIGATÒRIS

- Entà conéisher era empresa sus era forma jurídica de cooperativa e era organizacion d'aquestes.
- Conéisher es concèptes basics entà conéisher es principis cooperatius.
- Conéisher eth modèl cooperatiu.

DATA: pendent tot eth cors, cau concertar.

CONTACTE: ✉ dengo@pallarsjussa.cat ✉ promeco@aran.org

☎ 973 65 01 87 ☎ 973 64 18 01

COOPERATIVISME. TREBALHAR EN EQUIPA?

PRIMÀRIA, ESO E
POSTOBLIGATÒRIS

- Qué ei ua equipa?
- Quines competéncies cau entà treballar en equipa: autoconeishement, flexibilitat, intelligéncia emocionau, responsabilitat, compromís, comunicacion... Ròls en ua equipa de treball.

DATA: pendent tot eth cors, cau concertar.

CONTACTE: ✉ dengo@pallarsjussa.cat ✉ promeco@aran.org

☎ 973 65 01 87 ☎ 973 64 18 01

EMPRENIMENT: IDEES E ESFÒRÇ

PRIMÀRIA, ESO E
POSTOBLIGATÒRIS

- En mon des emprendedors. Toti ne poden èster?
- Com gessen es idees? Espacis e competéncies que faciliten eth procès de creacion.
- Montam ua petita empresa.

DATA: pendent tot eth cors, cau concertar.

CONTACTE: ✉ dengo@pallarsjussa.cat ✉ promeco@aran.org

☎ 973 65 01 87 ☎ 973 64 18 01

SENSIBILIZACION SUS ES DESIGUALTATS

PRIMÀRIA, ESO E
POSTOBLIGATÒRIS

- Entà conéisher es principis e valors dera Economia Sociau e Solidària.
- Saber quines son es caracteristiques diferenciaus des empreses sociaus.
- Conéisher d'auti modèls empresariaus mès respectuosi damb es persones e eth mèdi ambient.

DATA: pendent tot eth cors, cau concertar.

CONTACTE: ✉ dengo@pallarsjussa.cat ✉ promeco@aran.org

☎ 973 65 01 87 ☎ 973 64 18 01

EQUITAT DE GÈNRE E PERSPECTIVA FEMINISTA

PRIMÀRIA, ESO E
POSTOBLIGATÒRIS

- Entà reflexionar sus era perpetuacion des ròls de gènre e analisar era generacion d'asimetries.
- Hèr a conéisher era perspectiva feminista entà poder confrontar es desigualtats de gènre.

DATA: pendent tot eth cors, cau concertar.

CONTACTE: ✉ dengo@pallarsjussa.cat ✉ promeco@aran.org

☎ 973 65 01 87 ☎ 973 64 18 01

VILAESCOOP, ETH SCAPE ROOM VIRTUAU E COLLABORATIU

ESO E
POSTOBLIGATÒRIS

Ei un nau esturment virtuu e didactic que permeterà er apropament dera economia sociau e solidària e eth cooperativisme ar alumnat d'ua manèra collaborativa, divertida, dinamica e entreteinguda.

Eth jòc se dessenhe pensant en aufrir ua alternativa as sessions presenciaus. Ei un recors facilitador dera interaccion virtuu e que fomete eth trebalh en grop en tot presentar-se entàs joeni coma ua prepausa creativa, innovadora, actuau e ludica.

DATA: pendent tot eth cors, cau concertar.

CONTACTE: ✉ dengo@pallarsjussa.cat ✉ promeco@aran.org

☎ 973 65 01 87 ☎ 973 64 18 01

VISITA D'UA COOPERATIVA

PRIMÀRIA, ESO E
POSTOBLIGATÒRIS

Visitar ua cooperativa o convidant ena aula a ua cooperativa deth parçan, a presentar ua session divulgativa sus eth sòn foncionament, era organizacion e era sua activitat.

- Apropar ar alumnat as empreses cooperatives deth sòn parçan.
- Mostrar experiéncias reaus d'empreniment cooperatiu.
- Conéisher es caracteristiques especificques deth treball cooperatiu e apréner es dinamiques deth mon laborau e empresariu.
- Visualizar era autoocupacion per miei d'ua cooperatiua coma gessuda professionau.

DATA: pendent tot eth cors, cau concertar.

CONTACTE: ✉ dengo@pallarsjussa.cat ✉ promeco@aran.org

☎ 973 65 01 87 ☎ 973 64 18 01

CREACION D'UA COOPERATIVA

PRIMÀRIA, ESO E
POSTOBLIGATÒRIS

Acompañament expèrt entà crear damb er alumnat ua cooperativa, formada e gestionada per eri madeishi que, damb era collaboracion deth professorat, desvolope activitats productives e economicques damb er objectiu de véner productes o ben servicis.

- Potenciar er empeniment collectiu der alumnat a compdar dera creacion d'ua empresa cooperativa, damb era participacion e era implicacion der alumnat.
- Experimentar era realizacion d'ua activitat economica a compdar d'un modèl economic democratic e participatiu.
- Balhar as participants activitats e procèssi que permeten méter en practica es procèssi cooperatius: democràcia, participacion, ajuda solidària.
- Identificar coma era economia sociau e cooperativa pòt èster ua airina entà refortilhar es projèctes empenedors.
- Corresponsabilizar ar alumnat en un projècte que fomente era capacitat de decidir.

DATA: pendent tot eth cors, cau concertar.

CONTACTE: ✉ dengo@pallarsjussa.cat ✉ promeco@aran.org

☎ 973 65 01 87 ☎ 973 64 18 01

PRÈMIS TREBALHS DE RECÈRCA

POSTOBLIGATÒRIS

Prèmi tath melhor trebalh de recèrca, restacat damb era promocion dera economia sociau e cooperatiua en parçan. Prèmi tath trebalh de recèrca damb mès aplicabilitat en mon empresariu.

DATA: segontes convocatòria.

CONTACTE: ✉ dengo@pallarsjussa.cat ✉ promeco@aran.org

☎ 973 65 01 87 ☎ 973 64 18 01

CAPSULES FORMATIVES CEI

ESO E
POSTOBLIGATÒRIS

- Jogam a 10 jòcs entà que pogues empatizar e fidelizar a clients, seguidors e treballadors.
- Instagram, un hilat entà véner?
- Trionfa damb LinkedIn: cors exprès entà trèir eth maxim rendiment.
- Crear una comunitat a compdar d'Instagram.
- Coma èster motivat e arténher es tòns objectius personaus e professionaus.

CONTACTE: ✉ dengo@pallarsjussa.cat ✉ promeco@aran.org

☎ 973 65 01 87 ☎ 973 64 18 01



**CENTRE DE DESVOLOPAMENT EN MONTANHA
HÈPIC**

CHARRADES E PRESENTACION DE HÈPIC; ERA INNOVACION E ERA EMPRENIMENT EN ARAN

PRIMÀRIA, ESO E
POSTOBLIGATÒRIS

Eth Centre de Desenvolopament en Montanha HÈPIC, prepausa era realizacion de charrades as joeni deth territòri, en tot apropar era nocion dera innovacion laguens deth marc deth desenvolopament locau e territorial e era importància der empeniment a nivèu locau entà promòir un modèl de desenvolopament economic damb identitat, que dongue responsa as problematiques deth nòste parçan, en tot potenciar era Val d'Aran coma territòri damb un futur innovador.

DATA: 1-13 d'octobre – noveme.

CONTACTE: ✉ infohepic@aran.org ✉ g.piris@aran.org ✉ c.estrada@aran.org

☎ 973 64 18 01



BIBLIOTÈCA GENERAU DE VIELHA

CELEBRACION DES 23 ANS DERA BIBLIOTÈCA

TOTI ES NIVÈUS

Era Bibliotèca Generalu celèbre enguan eth sòn 23 aniversari e se portaràn a tèrme diuèrses activitats: Espectacle de condacondes, concors de microrelats e fotografies, charrades, presentacion de libres, eca.

DATA: noveme. **CONTACTE:**  biblioteca@vielha-mijaran.es  973 64 07 68

SETMANA CULTURAU DE SANT JÒRDI

TOTI ES NIVÈUS

- Pendent tota era setmana auram visites escolares tà apropar un shinhau mès ara mainadèra tath mon des condes damb era istòria de Sant Jòrdi, les explicam condes e hèm un talhèr relacionat.
- Concors de twitter de condes encadeats: cream er inici d'ua istòria a trauès de twitter e es participaires la pòden contunhar.
- Espectacle de condacondes e presentacion de libres.

DATA: abriu. **CONTACTE:**  biblioteca@vielha-mijaran.es  973 64 07 68

CONEISHEM ERA BIBLIOTÈCA

TOTI ES NIVÈUS

Pendent eth cors escolar concertam diuèrses visites escolares de totes es escòles dera Val d'Aran. Er objectiu d'aguesta activitat ei apropar a toti es escolans dera Val d'Aran er usatge dera bibliotèca com un espaci (d'abitud) a on trobar era informacion de besonh e gaudir deth temps de léser damb era lectura.

DATA: dimèrcles ath long de tot eth cors. Cau concertar dia de visita.

CONTACTE:  biblioteca@vielha-mijaran.es  973 64 07 68

D'AUTI ACTIVITATS

TOTI ES NIVÈUS

- Activitats de promocion ara lectura.
- Exposicions tematiques entorn ath mon deth libre.
- Espectacles.
- Talhèrs manuaus.
- Charrades.
- Presentacion de libres.

DATA: Pendent tot er an.

CONTACTE:  biblioteca@vielha-mijaran.es  973 64 07 68

CONEIXEM ERA COMISSARIA

INFANTIL E
PRIMÀRIA

Visita ara comissaria dera PG –ME

Data: pendent tot eth cors.

CONTACTE: Fran Ortiz Navarro

✉ itpg522@mossos.cat ☎ 973357285 ext. 63504

CHARRADES EDUCATIVES

PRIMÀRIA

- Internet Segura tara mainadèra.
- Internet Segura tà mairs, pairs e docents.
- Internet Segura. Era Cibercapucheta Vermelha.
- Mobilitat Segura en educacion primària.

Data: pendent tot eth cors.

CONTACTE: Fran Ortiz Navarro

✉ itpg522@mossos.cat ☎ 973357285 ext. 63504

CHARRADES EDUCATIVES

SEGONDÀRIA

- Internet Segura tàs joeni.
- Internet Segura tà mairs, pairs e docents.
- Internet Segura: hilats sociaus.
- Internet Segura de Tu a Tu.
- Situacions de risc tà joeni.
- Drògues e Leis.
- Violència masclista. Com comence tot?
- Mobilitat Segura en Educacion Segondària.
- Mobilitat Segura en Bachelierat e CF grad miei.
- Talhèr Share

Data: pendent tot eth cors.

CONTACTE: Fran Ortiz Navarro

✉ itpg522@mossos.cat ☎ 973357285 ext. 63504



ARAN FÒTO CLUB

FOTOGRAFIA ES PARPALHÒLES DERA VAL D'ARAN

INFANTILA,
PRIMÀRIA, ESO



Talhèr entà conéisher e fotografiar es parpalhòles dera Val d'Aran:

(se pòden seleccionar es contenguts o priorizar-ne bèth un a demana e segons cicle)

- Taxonomia.
- Caracteristiques dera populacion aranesa; quantitat, diversitat e espècies miaçades.
- Es principaus parpalhòles dera Val d'Aran. Identificacion.
- Caracteristiques des parpalhòles; anatomiques, reproduccion e eth sòn cicle vitau.
- Abitat e alimentacion.
- Bèri conselhs entà poder-les fotografiar.

*Aguest talhèr se pòt realizar amassa damb ua **gessuda guidada** entà observar e fotografiar parpalhòles, pendent es mesi de mai e junh. Damb quinsevolh aparelh de fotografia o telefonet.

DATA: tot er an. Acordar damb auança. Gessudes; mai, junh.

CONTACTE: Pili Ares Carabias ✉ mares2@xtec.cat ☎ 973 64 23 77

COMPOSICION FOTOGRAFICA

CICLE SUPERIOR
E ESO

Talhèr entà apréner a composar fotografies:

- Qué ei era composicion fotografica?
- Normes de composicion fotografica.
- Apréner a fotografiar e léger imatges auent en compde es normes de composicion fotografica.

DATA: tot er an. Acordar damb auança.

CONTACTE: Pili Ares Carabias ✉ mares2@xtec.cat ☎ 973 64 23 77



Talhèr entà conéisher e fotografiar es picasèrps (libellules) dera Val d'Aran:

(se pòden seleccionar es contenguts o priorizar-ne bèth un a demana e segons cicle)

- Taxonomia
- Caracteristiques dera populacion aranesa; quantitat, diversitat e espècies miaçades
- Es principaus picasèrps dera Val d'Aran. Identificacion
- Caracteristiques des picasèrps; anatomiques, reproduccion e eth sòn cicle vitau
- Abitat e alimentacion
- Bèri conselhs entà poder-les fotografiar

*Aguest talhèr se pòt realizar amassa damb ua **gessuda guidada** entà observar e fotografiar picasèrps, pendent es mesi de mai e junh. Damb quinsevolh aparelh de fotografia o telefonet.

DATA: mai, junh. Acordar damb auança.

CONTACTE: Maria José González Hitos ✉ chikinnia@gmail.com ☎ 678 24 57 64

ARANTEC

PRIMÀRIA, ESO E
POSTOBLIGATÒRI



Arantec ei ua enterpresa que convertís es donades climatiques en accions preventives entà anticipar es eveniments metereologics.

Entre es modalitats qu'aufrissen auetz:

- **Charrades** sus coma era tecnologia mos ensenhe a enténer millhor eth clima. Aguestes charrades pòden èster complementades damb era observacion e manipulacion de diferenti dispositius de medicion. Tanben aufrissen bèth jòc participatiu.
- **Talhèr de creacion d'un pluviomètre** utilizant materiaus reciclats, acompanhat d'ua explicacion sus era importància de préner mesures des fenomèns atmosferics.
- Charrada sus es risqui climatics, explicant sustot er aigat deth 2013.

**Aguestes son prepauses generaus que se pòden adaptar e modificar segon es vòsti besonhs, atau coma híger-ne de naues.*

DATA: pendent tot eth cors, cau concertar.

CONTACTE: ✉ info@arantec.com ☎ 973 64 09 72

ORGANIZE



Generalitat de Catalunya
Departament d'Educació

Servici Educatiu Val d'Aran - Alta Ribagorça
CRP Val d'Aran

COLLABÒRE



Conselh Generau d'Aran

**servici
educatiu[®]
val d'aran
e alta ribagorça**



SERVICIS
ASSISTENCIAUS
INTEGRATS
D'ARAN



economia
social
Ateneu Cooperatiu
Alt Pirineu i Aran

